



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Syntaxis Historiæ Evangelicæ

Cope, Alan

Lovanii, M.D.LXXII.

47. Iohannes Baptista è carcere mittit duos ex Discipulis suis ad Christum. Quibus cum responso remissis Christus ad turbas co[n]uersus præclarum de Iohanne dicit testimoni[u]m, & ciuitatibus, quibus ...

[urn:nbn:de:hbz:466:1-47925](https://nbn-resolving.org/urn:nbn:de:hbz:466:1-47925)

CAP. 46. *Filius viduæ mortuus à Iesu excitatur. Luc. 7. \* 45.*

S. Matthæus S. Marcus.

S. Lucas.

S. Iohannes

**E**T factū est, deiceps ibat ī ciuitatē quę vocatur Nai; & ibāt cū eo discipuli eius & turba copiosa. Cū autē appropiaret portę ciuitatis, ecce defunctus efferebatur, filius vnicus matris suę: & hęc, vidua erat: & turba ciuitatis multa cū illa. Quā cū vidisset Dominus, misericordia motus sup eā, dixit illi, Noli flere. Et accessit, & tetigit loculū. Hi autē q̄ portabāt, steterunt. Et ait, Adolecēs, tibi dico, surge. Et resedit, qui erat mortuus, & cœpit loqui. Et dedit illū matri suę. Accepit autem oēs timor: & magnificabāt Deum, dicentes, Quia ppheta magnus surrexit in nobis: & quia Deus visitauit plebē suā. Et exiit hic sermo in vniuersam Iudęam de eo, & in omnem circa regionē. \* 47.

CAP. 47. *Iohannes Baptista è carcere mittit duos ex discipulis suis ad Christum. Quibus cū responso remisissis, Christus ad turbas cōuersus præclarum de Iohanne dicit testimonium, & ciuitatibus quibus predicauerat non resipiscētib. comminatur. Matth. 11. \* 55. Luc. 7. \* 46.*

S. Matthæus.

S. Marcus.

S. Lucas.

S. Iohannes

**I**ohānes autē cū audisset Iī vinculis opera Christi; mittēs duos de discipulis suis, ait illi, Tu es qui ventur⁹ es, an aliū expectam⁹? Et respōdēs Iesus ait illis, Euntē renuntiatelohanni quę audistis & vidistis. Cęci vidēt, claudi ambulāt, leprosi mūdātur, surdi audiūt, mortui resurgūt, pauperes euangelizantur: & beatus est qui non fuerit scandalizatus in me.

H 4 Il-

**E**T nūtiauerūt Iohāni discipuli eius de omnib. his. Et cōuocauit duos de discipulis suis Iohānes; & misit ad Iesū, dicēs, Tu es qui vētur⁹ es: an aliū expectamus? Cū autē venissēt ad eū viri, dixerūt, Iohānes Baptista misit nos ad te, dicēs, Tu es q̄ vētur⁹ es: an aliū expectamus? In ipsa autē hora, multos curauit à lāguorib. & plagis, & spiritib. malis: & cęcis multis donauit visū. Et respōdēs dixit illis, Euntē re-

S. Mattheus.

Illis autē abeuntibus cœpit Iesus dicere ad turbas de Iohanne, Quid existis in desertum videre? arundinē vento agitatam? Sed quid existis videre? hominem mollibus vestitū? Ecce qui mollibus vestitur, in domibus regum sunt. Sed quid existis videre? prophetam? Etiam dico vobis, & plus quā prophetā. Hic est enim de quo scriptum est, Ecce, ego mitto Angelum meū ante faciem tuā, qui præparabit viā tuā ante te. Amē dico vobis, non surrexit inter natos mulierum maior Iohanne Baptista: qui autē minor est in regno cœlorum, maior est illo. A diebus autem Ioannis Baptistæ vsque nunc, regnum cœlorum vim patitur, & violenti rapiunt illud. Omnes enim prophetæ & lex, vsque ad Iohannem prophetauerunt: & si vultis recipere, ipse est Elias qui venturus est. Qui habet aures audiendi, audiat. Cui autem similem æstimabo generationem istā? Similis est pueris sedentibus in foro, qui clamantes cœqualibus, dicunt, Cecinimus vobis, & non

S. Marcus.

nūtiatē Iohāni quæ audistis & vidistis: Quia cæci vidēt, claudi ambulāt, leprosi mūdātur, surdi audiunt, mortui resurgūt, pauperes enāgelizātur: & beatus est quicumq; nō fuerit scādalizatus in me. Et cū discessissent nūtij Iohannis, cœpit de Iohāne dicere ad turbas, Quid existis in desertū videre? arundinē vento moueri? Sed quid existis videre? hominē mollib<sup>9</sup> vestimētis indutū? Ecce, q̄ i veste p̄tiosa sunt & delitiis, in domib<sup>9</sup> regū sunt. Sed quid existis videre? p̄phetā? Vtiq; dico vobis, & plus quā prophetā. hic est de quo scriptū est: Ecce mitto angelū meū ante faciem tuā, q̄ præparabit viā tuā ante te. Dico enī vobis, maior inter natos mulierū p̄pheta Iohāne Baptista nemo est. q̄ autē minor est in regno Dei, maior est illo. Et omnis popul<sup>9</sup> audiēs & publicani, iustificauerūt Deū, baptizati baptisimo Iohānis. Pharisæi autē & legis periti cōsiliū Dei spreuerūt in semetipso, nō baptizati ab eo. Ait autē Dominus, Cui ergo similes dicā hoīes generationis huius, & cui similes sunt? Similes sunt pueris se-

S. Lucas.

S. Iohannes.

S. Mattheus.

& non saltastis: lamentauimus, & non planxistis. Venit enim Iohannes neque manducans neque bibens: & dicunt, Dæmonium habet. Venit filius hominis manducans & bibens, & dicunt, Ecce homo vorax & potator vini, publicanorum & peccatorum amicus. Et iustificata est sapientia à filiis suis. Tunc cœpit exprobrare ciuitatibus, in quibus factæ sunt plurimæ virtutes eius, quia non egressent pœnitentiam. Væ tibi Corozain væ tibi Beth-saida: quia si in Tyro & Sidone factæ essent virtutes quæ factæ sunt in vobis, olim in cilicio & cinere pœnitentiam egressent. Verûtamen dico vobis, Tyro & Sydoni remissius erit in die iudicij, quàm vobis. Etti Capharnaum, nunquid vsque in cælum exaltaberis: vsque in infernum descēdes. quia si in Sodomis factæ fuissent virtutes quæ factæ sunt in te, fortè māsissent vsque in hanc diē. Veruntamen dico vobis, quia terræ Sodomorum remissius erit in die iudicij, quàm tibi. In illo tempore respondens Iesus dixit, Confiteor tibi pater Domine cæli & terræ, quia abscondisti hæc à sapientibus & prudentibus, & reuelasti ea paruulis. Ita pater: quoniam sic fuit placitū ante te. Omnia mihi tradita sunt à patre meo. Et nemo nouit filium nisi pater: neque patrem quis nouit, nisi filius, & cui voluerit filius reuelare. Venite ad me omnes qui laboratis, & onerati estis, & ego reficiam vos. Tollite iugum meum super vos, & discite à me, quia mitis sum & humilis corde: & inuenietis requiem animabus vestris. Iugum enim meum suaue est, & onus meum leue. \* 37.

S. Marcus.

S. Lucas.

S. Iohannes

dentibus in foro, & loquentibus adinuicē, et dicentibus, Cātauimus vobis tibiis & non saltastis: lamētauimus, & non plorastis. Venit aut Iohānēs Baptista neq; māducās panē, neq; bibēs vinū: & dicitis, Dæmoniū habet. Venit Filius hoīs māducans & bibēs: & dicitis, Ecce homo deuorator & bibēs vinū, amicus publicanorū & peccatorum. Et iustificata est sapientia ab omnibus filiis suis. \* 48.

I

Cap. 48.